

Oqaluuserisassanut nassuiaat

(Inatsisartut Siulittaasuat)

Ilinniartitaanermut, Kultureqarnermut, Timersornermut Ilageeqarnermullu Naalakkersuisup oqaluuserisassani immikkoortup 29-p tunuartinneqarnissaanik kissaateqarpoq.

Immikkoortup 29-p qulequtaraa:

Ilinniartitaanermut inuussutissarsiutinillu siunnersuisarneq pillugu Inatsisartut inatsisaata allanngortinneqarnera pillugu Inatsisartut inatsisaat

(Inuusuttunut 18-iliineqanngitsunut ilitersuinissamik akisussaaneq piginnaatitaanerlu)

Naalakkersuisoq tamanna pillugu Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamik ilisimatitsiviusumik ataatsimeeqateqarnermi ilisimatitsissuteqarpoq.

Siunnersuutip ulluinnarni timitalerneqarnissaa eqqarsaatigalugu ernummateqarnertik Naalakkersuisut ersersissimavaat, tamannalu pissutigalugu susassaqtunik attuumassutilinnik, minnerunngitsumillu kommuninik, oqaloqateqaqqittarnissat pisariaqarlutik.

Immikkoortoq 29 UKA25-imi oqaluuserisassanit tunuartinneqarpoq.

Ukiakkut ataatsimiinnermut oqaluuserisassanik nalunaarutiginninnermi immikkoortut 39 40-lu immikkoortutut marluttut oqaluuserineqartussatut Naalakkersuisut nalunaarutigisimavaat.

Immikkoortup 39-p qulequtaraa:

”Imarsiortunut atorfinitsitaanermi atugassarititaasut il.il. pillugit inatsisip Kalaallit Nunaannut atulersinneqarnissaa pillugu peqqussutaata pillugu aalajangiinissamut siunnersuut.”

Immikkoortup 40-p qulequtaraa:

”Imarsiorterup isumannaatsuunissaa pillugu inatsisip allanngortinneqarnera pillugu inatsisit assigiinngitsut Kalaallit Nunaannut atuutilersinneqarnerat pillugu peqqussutaata pillugu aalajangiinissamut siunnersuut”.

Immikkoortoq 40-mi taamaalilluni aallaqqaammut immikkoortup 39-iusimasup, imarsiortunut atorfinitsitaanermi atugassarititaasut il.il. pillugit inatsimmik peqqussutip, ilalerneqarnerata malitsigisaanik imarsiorterup isumannaatsuunissaa pillugu inatsimmi malitsitut iluarsinerit annikitsut ilalerneqarnissaat pineqarsimavoq.

Naalakkersuisut taamaalillutik kissaatigaat inatsisit taakku marluk kunngip peqqussutaatigut atuutilersinneqarnissaat immikkoortoq 39-ip ataani aalajangiiffigisassatut siunnersuutitut ataatsimoortutut oqaluuserineqassasut, taasissutissatut qulequtaralugu:

”Imarsiortunut atorfinitsitaanermi atugassarititaasut il.il. pillugit inatsisip Kalaallit Nunaannut atulersinneqarnera pillugu peqqussummut aamma imarsiornerup isumannaatsuunissaa pillugu inatsisip allanngortinneqarnerani inatsisit assigiinngitsut Kalaallit Nunaannut atuutilersinneqalernerannut peqqussummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut”

Qulaani qinnuteqaat naapertorlugu Naalakkersuisut iluarsiiissutininik taakkununngalu atatillugu atortussanik Naalakkersuisut aalajangiiffigisassatut siunnersuutaannut iluarsiiissutaasunik nassiuussaqarsimapput, nittartakkami aamma nutarterneqarsimasunik.

Immikkoortoq 40 taamaalilluni oqaluuserisassanik peerneqarpoq immikkoortumullu iluarsisamut 39-mut ilaassalluni, qulequttallu taasissutissap nutaap ataatsimoortullu ataani oqaluuserineqassalluni.

Apeqquteqaat aallaavigalugu oqallinnissamik siunnersuut immikkoortoq 127 taamaalilluni apeqquteqaat aallaavigalugu oqallinnissamik siunnersuutininik tunniussinissamut killissarititaq, tassa ulloq 5. september, eqqorlugu tunniunneqarsimavoq oqaluuserisassanullu ilanngunneqartussatut akuerineqarsimalluni ulloq 11. november immikkoortut 12 aamma 72 peqatigalugit ataatsimut oqaluuserineqartussatut.

Immikkoortup 127-p qulequtaraa:

Soraarnerussutisiassanut pinngitsaaliissummik katersisussaataitanerup eqqunneqareerneranit inuiaqatigiinni annertuumik eqqornerlungaasoqartarnerata naalakkersuinikkut qanoq aaqqiivigineqarsinnaanera pillugu apeqquteqaat aallaavigalugu oqallisissiatut siunnersuut. Inatsisartunut ilaasortaq Aqqalu C. Jerimiassen, Atassut

Uku akornanni taasisarnerit pillugit isumaqatigiissuteqartoqarpoq:

Pele Broberg, Naleraq aamma Pipaluk Olsen, Demokraatit.